

任、同十四年七月四日源隨と改稱、寶永四年八月十九日八十一歳にて卒す。此の隱居屋敷として賜はりたるにや。されば門前道路及び河原へかけ賜はりたるも、源隨老へ拜領命ぜられたるならんか。未だ外の記録中に所見なければ詳かならず。さて明治廢藩置縣の際まで、數代爰に居住ありしかど、家屋・地所悉く賣却し、今商家數戸を建てたり。前田監物の元祖大膳寄孝は、上州七日市藩の祖前田大和守利孝君の三男、右近大夫利盟主の舍弟なりしを、利常卿召出され、藩士となして一家を起立したるにて、子孫于今連綿せり。

○有澤采女右衛門齋邸

元祿六年の土帳に、有澤九八郎淺野川小橋下とあり。其の邸地は何れなるにや。享保九年の土帳には、有澤森右衛門堀川とあり。

○有澤永貞傳

墓碑記云ふ。先生諱永貞。字天淵。通呼采女右衛門。號高臥亭。以井有梧桐樹。門人稱號梧桐井庵先生。其先新川郡弓庄城主土肥氏之庶也。居於郡之有澤村。依氏焉。王父采女正諱

長俊。元和二年來仕我藩。賜秩千石。有二子。長曰太郎左衛門俊繁。次迺先生之考也。通呼孫作。諱俊澄。府君卒。分賜秩三百石。爲高岡町奉行。母關屋氏。以寬永己卯年十二月廿八日。生先生於安江柳荒町。延寶癸丑年命於小將組。甲寅拜賜秩二百石。丁巳襲父秩。天和辛酉年爲表納戸奉行。元祿丁丑年拜細工奉行。寶永戊子年轉世子附物頭。正徳乙未年十一月七日歿。年七十七。葬於城東萬松山永福寺之後。享保癸卯年改葬於富樫庄野端山。配關屋氏。有二子一女。長曰森右衛門武貞。字伯魁。次曰總藏致貞。出後彌三郎致遠。女適水越三右衛門。孫曰才右衛門貞幹字伯固。其子貞庸字子職。與余相善。家世歷顯官。能不墜舊業。稱爲名門云々。と大嶋維直が碑銘の序に記載す。燕窩風雅に云ふ。永貞字天淵。通名采女右衛門。其亭號高臥。自童卯讀鈴鏑。喜談兵事。從佐々秀乘。山鹿義昌。學三十年。貞享丙寅天淵年四十有八。究其兵訣而著甲陽軍鑑本末通解十八卷。時北條氏長曾義昌。祖述機山氏兵理。而名聲傾海內。雌雄二鑑。雄備武教等數書方行世。兜藝家中製無不比拱擊焉。天淵讀之不善。以爲徒徵古語。該博。其說瀆工。其實支離。或

牽輿應會。殆嘯高坂昌信遺訓也。於是天淵徑就高坂氏家法。著書數萬千言。一切書以國字。弗關脩辭磨練。顯據捷便要領。爲藥籠物。其功尤偉矣。以故藩臣接踵無不走其門。戶外履恒滿。元祿辛未家罹火。百爾烏有。唯一井一梧存已。即構苑宇其傍。門人呼之梧桐井庵。終身談兵卒。年七十有七。とありて、有澤氏は永貞以來世々軍法家と成り、諸士皆有澤氏の門人と成り、甲州流の軍法兵學を修行する事となしたり。此は舊藩五世參議綱紀卿以來の事にて、夫れより以前は諸士中に軍法家といふものなし。故に微妙公夜話錄に、伴八矢を頼み他國より西田覺右衛門と云ふ浪人參り、軍法を教へたり。小松に於て弟子多く、人持組の内にも弟子に成るもの有之處、津田玄蕃に被仰。軍法を家中の者習ひ申由。人は隙に候へば、悪敷遊藝など仕間、夫よりはかやうの事習ひ申すが能く候へども、岩乘に弓・鐵炮の稽古よりは劣る也。信長・太閤御時代より手前家の軍法あり。是を折角守り申すが第一也。左候へば、陣も未だ見申さず浪人の數奇軍法は、何の役にも立たず、結句害に成儀可有之と御意被成。と見え、拾葉名言記に、或時少將光

高君へ、富田善左衛門を以て被仰。筑前は學問に心を寄せ、一段の事也。軍の心は合点仕るまじ。我等家の軍法には第一の秘傳あり。御相傳可被遊旨被仰遺。則ち善左衛門に誓詞被仰付、御相傳被遊。とあり。利常卿。光高君は法華法印に太平記評判の講釋を被命被聞召由。可觀小説。混見摘寫に、當時軍法を談するに、色々の流儀を立つれども、元甲州流にて、それに和漢の辨を付け、妄りに流儀を立つ。左あれば日本に甲州流の外軍法なし。但し太平記評判方と云ふもの、甲州をからずして一流あり。其初を聞くに、法華法印肥前唐津に住居の時、太平記すきに、素讀して所の百姓などに講釋して聞かするに、風呂鋪包をかつぎたる七十歳許の老人毎度來り、是を聞いて泪を流す。或時法印尋ねければ、老人曰く、法印様には理盡抄、寶愚抄を御持參候哉と云ふ。承及びたる物ながら終に見すと云ひければ、老翁かつぎたる風呂敷包より右の二抄を取出し、此書は名和肥前守より傳へ來る我等の書にて、身を不離持候也。是を參らせ候とて授之。老人の名を問ひけるに、名和昌三と云ふ者也とて歸り、再び來らずと也。其後陽廣公此由を被